

Qeqqani Allorfik Sisimiuniittoq katsorsaasumik pissarsiorpoq

Qeqqani Allorfik katsorsaasumik 1/11- 2026 immikkulluunniit isumaqatigiissuteqarnikkut sulilersussamik pissarsiorpoq.

Atorfimmi Qeqqata Kommuniani Maniitsoq nunaqarfiilu immikkut ukkanneqassapput.

Katsorsaasutut sulilersussaq, Maniitsumi nunaqarfiinilu pingaarnertut attavissatut/saaffissatut atuutissaaq kommunimilu pisorta qarfinnik, Siusissukkut Iliuseqarneq qulequtsiullugu suliniummik kiisalu suleqatigisanik allanik naapertuuttunik suleqateqarnermik nukittorsaaqataassalluni.

Qaffasissumik akunnattumik sivilissusilimmik, soorlu ilinniartitsisutut, perorsaasutut imal. inunnik isumaginninnermi siunnersortitut ilinniagaqarsimanissat naatsorsuutigaarput.

Allorfimmi katsorsaariaaseq oqaloqatigiinnermik kajumilersitsisumik, eqqarsaatit, misigissutsit pissusilersorneq timillu oqariartuutaasa imminnut sunneeqatigiittarnerannik tunngaveqarpoq.

Tamatuma saniatigut ikorfartuisutut/supervisor tarnikkut katsorsaasutut tamaaqataannilluunniit ilinniaqqisimaguit iluaqutaassaaq. Anigoruminaatsunik nalaataqarnerup qaratsamut, sianuteqarfinnut pissusilersornermullu sunniutai tunngavigalugit katsorsaariaaseq misilittagaqarfigigukku imal. piginnaaneqarfigigukku iluaqutaassaartaaq.

Internetsikkut naapinnikkullu, imigassamik, hashimik aningaasanoornermillu pinngitsuuisinnaajunnaarnermut katsorsartinneq Qeqqata Kommuniani innuttaasunut Allorfik Qeqqani neqeroorutaavoq, taamaammat nunaqarfinnut angalasoqarsinnaavoq, pitsaaliuinermut tunngasunik suliaqartoqarsinnaavoq, kommunilu suleqatigalugu pitsaaliuinermut atatillugu illoqarfimmi suliniutini suleqataasoqarsinnaalluni. katsorsaanermut-, suleqatigiinnermut- pitsaaliuinernullu tunngasunik suliaqarnermut atatillugu, pingaartumik Maniitsumut nunaqarfiinullu angalasarnissaq naatsorsuutigineqassaaq.

Suliffik Sisimiuniippoq, maannalu katsorsaasut sisamaapput taakkunanngalu ataaseq eqimattanik aqutsisuulluni.

Allorfiup najukkani immikkoortui, aqqqissuussaanikkut Nuummi pinngitsuuisinnaajunnaarnermi ilisimasaqarfiup- ilaatigut aanngajaarniutinik aningaasanoornermillu ajornartorsiuteqartunut nuna tamakkerlugu suliniuteqarfiusup, ataani inissisimapput. Pinngitsuuisinnaajunnaarnermi ilisimasaqarfik- ilinnik ikorfartuinissamik/supervision neqeroortortaaq- suleqatigalugu suliassannik aqqqissuussinermi annertuumik sunniuteqassaatit.

ilaatigut makku piumasaqaataapput:

- Oqaloqatigiinneq kajumilersitsisooq tunngavigalugu katsorsartinnissamut kajumilersitsisinnaaneq
- Inuttaasunik, imigassamik, hashimik aningaasanoornermillu ajornartorsiutilinnik katsorsaaneq siunnersuinerlu
- Qanigisaasunut katsorsartereernermi neqeroorut ilinniartitsinerlu
- Qulaajaalluni oqaloqateqarneq nunalu tamakkerlugu atornerluineq pillugu ilisimasalik katersivimmut nalunaarutiginninneq
- Katsorsartereernermi neqeroorummut ajornartorsiutinullu katsorsartinnissamut akornutaasunut tunngatillugu, kommunimik suleqateqarneq
- Allorfimmi neqeroorut periutsigullu pillugit ilinniartitsineq
- Allorfiup avataani sammisani peqataaneq
- Maniitsumi suleqatinut attaviuneq

- Kommunini pisortaqarfinnik, Siusissukkut Iliuuseqarneq qulequtsiullugu suliniummik kiisalu suleqatigisartakkanik naapertuuttunik allanik suleqateqarnermik nukittorsaaqataaneq

- Maniitsumi nunaqarfiinilu katsorsaanermi pitsaaliuinermilu suliniutinik inerisaaqataallunilu ataqatigiissaareqataaneq

Naatsorsuutigaarput:

- Katsorsaaneq ilinniagaqassutsikkut soqutigisarissagit
- Inuttut inissaqartitsillutillu pitsaasuunissat
- Innuttaasunik qitiutitsisinnaanissat
- Namminersorlutit sulisinnaanissat akisussaaffimmillu tiguisinnaanissat
- Pinngitsuuisinnaajunnaarnermut tunngatillugu ilinniaqqittarnissaq kissaatigigit
- Ilinniakkat akimorlugit suleqatigiinnermik allanillu ilinniagalinnik ilinniartitsinissamik soqutigisaqarnissat

- Nutaanik- periutsitsinnillu ilinniarnissamik soqutigisaqarnissat

- Ilinniakkat akimorlugit suleqatigiinnermik pilersitsinnaanissat attassisinnaanissallu

Katsorsaaneq kalaallisuunerusoq ingerlanneqassaaq, ilinniartitaanerli danskisut ingerlanneqassalluni. Taamaammatt marluinnik oqaaseqassaatit.

Qinnuteqarfissaq kingulleq: 27/9-2026.

Qinnuteqartunik oqaloqateqarnerit ataavartumik ingerlanneqassapput

Atorfik pillugu attavigisinnaasat:

Allorfiup pisortaa Efa Olsen, oqarasuaat: +299 34 14 51, e-maili efol@peqkik.gl, / Allorfik

Qeqqani eqimattanik aqutsisoq Tukummeq Egede Lynge, oqarasuaat: +299 34 14 80, maili: tuel@peqkik.gl.

Allorfik pillugu paasissutisat nittartakkakkut: www.allorfik.gl pissarsiarineqarsinnaapput.

Meeqqanik pinerliisimannginnermut pinerlussimannginnermullu uppersaat

Pinerlussimannginnermut meeqqanillu pinerliisimannginnermut uppersaammik

nutaamik nammineq nassataqanngikkaanni, akuersiteqqaarlutit pissarsiniartoqarnissaa naatsorsuutigineqassaaq.

Aningaasarsiatigut atorfinitsitaanermilu atugassarititaasut

Akissarsiat atorfininnermilu atugassarititaasut, tassunga ilanngullugit atorfinitsitaanermi

soraarnermilu angalanissamut akiliunneqarnissamut pisattallu nassiunneqarnerannut

Kalaallit Nunaanni Namminersorlutik Oqartussat kattuffiullu

isumaqatiginniarsinnaatitaasup attuumassuteqarfigisap akornanni isumaqatigiissutaasut

atorfininnerup nalaani atuuttut naapertorlugit ingerlanneqassapput.

Qinnuteqartoq uppersaatalinnik piginnaasalik immikkut siunnersortitut, siunnersortit

pisortaatut siunnersortaanertulluunniit isumaqatigiissutit naapertorlugit

atorfinitsinneqarsinnaasarpoq.

Najugaq

Atorfimmut atatillugu malittarisassat qaqugukkulluunniit atuuttut naapertorlugit sulisunut

inissamik pequsersorsimanngitsumik innersuussisoqarsinnaavoq. Inissamik

innersuussisoqarsinnaanngilaq, pineqartoq atorfimmut atatillugu ineqareersuuppat,

imaluunniit ineqarsimappat kommunep inaataanik Namminersorlutillu oqartussalluunniit

inaataanik. Malittarisassat qaqugukkulluunniit atuuttut naapertorlugit inissiamut

innersuussutigineqartumut akiliutit qularnaveeqqutillu akilernerqassapput. Atorfimmut

atatillugu ini atorfeqarnermut tunngavoq atorfeqarnerullu unitsinnerani

qimanneqassalluni.

Ineqarnermut akiliut aamma inissiap pitsaassusaa nikerarsinnaapput inissiap qanga

sananeqarsimanera, piginnittua il.il apeqqutaallutik. Sulisutut ataavartumik initaarnissaq

utaqqinarsinnaavoq, taamaattumik utaqqiisaagallartumik inissiisoqarsinnaasarpoq,

tassunga ilanngullugu najugaqatigiiffinnut minnerusunut imaluunniit akunnittarfimmi
inissianut inissiisoqarallarsinnaalluni, taakkulu akileraarusersorneqassallutik. Sulisunut
inissiani utaqqiisaasumiklluunniit inigisani angisuunik uummasuuteqarsinnaaneq soorlu
qimmeqarsinnaaneq qitsuuteqarsinnaanerluunniit periarfissaqanngilaq

Qinnuteqaatit, CV, ilinniarsimasanut pikkorissaatigisimasanullu uppernarsaatit kiisalu
paasissutissat allat pisariaqarsinnaasut "qinnuteqaat nassiuguk" toorlugu nassiutikkitt.
E-mail-ikkut qinnuteqaatinik tigusineq ajorpugut.